



UNIVERSITÄTS-
BIBLIOTHEK
PADERBORN

Universitätsbibliothek Paderborn

Cursus Theologiæ Polemicæ Universæ

Pichler, Vitus

Augustæ Vindelicorum, Anno MDCCXIII.

§. 1. Lutherani, Calvinistæ, Zwingiani in suis principijs probare sufficienter
non possunt existentiam Scripturæ S.

urn:nbn:de:hbz:466:1-39374

§. I.

Lutherani, Calvinistæ, Zwingiani in suis principijs probare sufficienter non possunt existentiam Scripturæ S.

2. Sciendum 1. per Scripturam S. intelligilibros, ab hominibus quidem, sed inspirante & dictante DEO conscriptos. Vocantur hi libri à Græcis *Biblia*, à Latinis *Scriptura*, ab utrisque per Antonomasum, scilicet propter præstantiam Auctoris Principalis, qui DEUS est, his libris appropriando communia cæteroquin vocabula. Primus horum librorum Auctor Instrumentalis fuit Moyses, & hunc secuti sunt Prophetæ in Antiquo, Apostoli verò & Evangelistæ in Novo Testamento.

3. Sciendum 2. Evidens & per se notum non esse, dari aliquos libros inspirante DEO exaratos, seu S. Scripturam; id enim non solum negatum semper fuit à Gentilibus, sed etiam aliquando à quibusdam, qui se Christianos vocabant. Indò etiam Adversarij satentur, veram Ecclesiam ab Adamo usque ad Moysen per bis mille circiter annos extitisse sine ulla Scriptura S. Proinde existentiam illius probari oportet, & aliunde infallibiliter innoteſcere.

4. Dico. Lutherani, Calvinistæ, Zwingiani, & cæteri Apostata omnes non possunt in suis principijs sufficienter probare existentiam Scripturæ S. seu quod derur aliqua Scriptura divinitus dictata. Demonstratur: Motivum vel medium, ex quo probant, vel est ipsa Scriptura, vel certa critiria seu indicia

ex parte Scripturæ se tenentia, vel spiritus internus & sensus conscientiae: sed nullum ex his est medium sufficiens ad *infallibiliter* probandam existentiam Scripturæ S. ergo. M. est ipsum, quia communiter non admittunt Traditionem & Auctoritatem Ecclesiæ tanquam Verbum DEI non scriptum, ex quo solo infallibiliter doceri possint de hac re. m. P. Hoc medium non potest esse ipsa *Scriptura*, quia de hujus existentia lis est, & si ex Scriptura probaretur *Scriptura*, probaretur idem per idem, & supponeretur, quod est in questione.

Non critiria, nimirum antiquitas Bibliorum & mirabilis conservatio inter tot casus, miracula in confirmationem eorum facta, eventus rerum, quæ in Biblījs predicebantur future, sanctitas & maiestas rerum, quæ in ijs continentur, energia Verborum ad permovendos animos, mira concordia rerum contentarum. Hæc, inquam, critiria non sunt sufficiens medium ad *infallibiliter* probandam existentiam Bibliorum 1. quia omnia & singula possunt absolute reperi in libro quodam præcisè humano vel unius vel plurium Auctorum; cur enim ejusmodi liber mercè humanus non posset esse antiquissimus, à DEO mirabili providentia conservatus, res maiestate & sanctitate plena continere, & tantæ verborum

energiā proponere , ut permoveantur homines ad vitam meliorem , vel c̄tiam ad sanguinem profundendum , cū etiam Plato Ethnicus suo libro de Immortalitate animæ ita permovisse animos dicatur , ut quidam sibi necem consicserent ? Cur Deus ejusmodi librum , ab uno , vel pluribus viris probis mirabilī consensu conscriptum , non possit tueri etiam miraculis propter utilitatem , quam assert̄e in publica materia contenta in tali libro , v. g. conscripto à Confutio Sinarum quondam sapientissimo Philosopho ? Cur ejusmodi liber non possit etiam in se continere prophetias & vaticinia , cū libri Sybillarum gentilium , quos utique pro Scriptura S. non habent Adversarij , pleni fuerint prædictionibus rerum , quæ postmodum evenerunt ? 2. Quia de his ipsis critirij non constat Adversarijs evidenter & certò , sed præcisè ex relatione humana , quam semper contendunt fallibilem esse ; ipsi enim non præsentes spectarunt miracula ; absque relatione humana ignorant , utrum ea , si tamen facta sint , cōspectarint , ut ostenderent , aliquos libros , præfertim hos , quos Adversarij habent pro Divinis , eſſe Divinos ; neſciunt niſi ex fama , quod ea , qua prædicabant futura , certò evenerint , vel si evenerint , an non primum postea in his codicibus scripta sint à nequam impostore , certis libris Divinam Autoritatem conciliare per fraudem machinante . Adde , quod multi libri , & capita librorum , quos habent Adversarij pro Divinis , non contineant prophetias , vel res sublimes &c. Imò aliqua in Scripturis reperiuntur in speciem vilia ,

falsa , aut contradictoria , & capti difficultia , ut adeò S. Augustino aliisque Expositoribus laborandum fuerit , ut Evangelia & alios libros Scripturæ à contradictionibus vindicarent . 3. Quia si hac critiria sufficienter probarent existentiam Scriptura S. etiam sufficienter probarent veritatem Religionis Romano-Catholicae , ut adeò Adversarij non minùs hanc pro vera Christi Ecclesie agnoscere deberent , quam existentiam Scriptura ; siquidem Romana Ecclesia est antiquissima , mirabiliter inter gravissimas persecutiones Judæorum , Gentilium , & Hereticorum semper conservata , non sine plurimis miraculis , quæ in contestationem ipsius dogmatum facta sunt à viris sanctitate prodigiis conspicuis , & dono prophetiarum claris , qui etiam vitam & sanguinem promptissime maximo numero pro ea obtulerunt &c.

Nec denique sufficiens medium est Spiritus internus , aut (ut Calvinisti vocant) propriæ conscientiæ sensus , quem falso dicunt esse testimonium Spiritus S. internum ; nam iste *Spiritus privatus* 1. est prorsus incertus & dubius , utrum sit à DEO nec ne , nec certò probati ab Adversarij potest , eum esse à DEO potius quā ab errore & fallaci persuasione propria ; si enim probari certò posset , deberet probari ex Scriptura ; & sic evidenter fieret circulus vitiosus , dum Scriptura probaretur ex Spiritu intreno , & Spiritus internus ex Scriptura ; item igitur probaretur per æque vel magis igitur . 2. Est in diversis hominibus diversus , & contradictoria docens , consequenter

non

non est testimonium Spiritus S. qui interiorius docere contradicitoria utique non potest, cum testari falsum nequeat: quod autem diversa & contradictoria dicitur diversis, patet inde, quod Adversarij dicitur, libros Novi & Antiqui Testamenti esse Scripturam Divinam, Ethnici autem, Paganis, & Turcis dicter, non esse Scripturam, Divinam, Iudeis vero, libros Novi Testamenti non esse Divinos. 3. Est ineptus ad terminandas lites; quamvis enim Deus absolute possit hominem docere infallibiliter per internam illustrationem, uti docuit Prophetas; ordinari tamen non solet, quia ejus Providentia requirit, ut per testimonium publicum & ab omnibus cognoscibile eruiat homines, dari e. g. aliquam Scripturam Divinam, & quidem hanc &c. ita enim exigit praesentis vita ratio & status, ut utraque Pars litigans percipere possit hoc testimonium, ne utraque illud profane pari jure allegare possit, uti fieri potest, si testimonium sit merè internum, uti est Spiritus iste privatus, & conscientiae sensus.

Confirmatur. Quidquid est infallibiliter certum, debet esse certum vel certitudine evidentiæ, vel certitudine fidei: sed nec certitudine evidentiæ certum est Adversarij, dari aliquam Scripturam S. cum Ecclesia vera existente possit sine ulla Scriptura, utrū fuit ante Moysis tempora, & Deus absolute non adstringatur ad nos docendos per litteras & verbum scriptum: nec certitudine fidei; nam nihil est certum certitudine fidei, nisi adhuc motiva tanta credibilitatis, id à DEO revelatum esse,

ut nulla ratione prudenter negari possit: atqui in principijs Adversariorum non adhuc motiva tanta credibilitatis; quenam enim sunt illa? an critiria, an spiritus internus? quæ jam rejecta sunt ut futile & insufficientia: aliud autem motivum rejectis Traditionibus & Auctoritate Ecclesie assignari nequit ergo. Videamus nunc, quid ex Adversarij aliqui (nam multi hanc questionem de existentia Scripturæ dextrè & studiosè dissimulant, videntes labyrinthum, ex quo exitum non inveniant) pro sua causa opponant.

Objiciunt 1. Quod existat aliqua 6.

Scriptura S. est principium, etiam à Catholicis, adeoque ab utraque Parte litigante concessum: ergo non debet trahi in dubium, aut exigi ab adversa Parte, ut probet ejus existentiam. R. 1. N. C. quia principium, quod non est evidens, probari debet; ab Adversarij autem istud principium probari nequit. R. 2. D. A. Est principium ab utraque Parte concessum, sed non ex eodem motivo & fundamento C. A. ex eodem motivo & fundamento. N. A. & C. Si Adversarij ex eodem motivo concederent & possiderent Scripturas, scilicet ex Traditione & Auctoritate Ecclesie, facile & statim pax forer nos inter & ipsos; si enim hanc audirent in admittendo Scripturis quoad existentiam, admittere deberent consequenter etiam in intelligendis Scripturis quoad sensum, & sic in omnibus Articulis nos inter & ipsos controversis.

Replicant: haec quælio, an detur Scriptura Divina, est curia, Christiano

stano indigna, quia totam Christianitatem reddit dubiam. Inde inepta, quia prima fidei principia non probari, sed supponi debent: ergo. R. N. Ant. quoad omnia membra. Utique enim *curiosum* non est inquirere, an primum fidei fundamentum sit satis solidum; neque DEUS, quanvis vel captivari intellectum nostrum in obsequium fidei revelando res obscuras, tamen eas à nobis temere & sine motivo prudenter innegabili firmissime credi vult, nec velle potest. Quis *Christianus indignum* existimet, si fundamenta fidei Christianae, que utiq; infirma esse nequeunt, inquire, tentare, & declarare labore, quod fit per examen hujus questionis? Et quis *ineptum* pronuntiet indagare principium, quod per se notum non est? Quamdiu igitur Adversarij non possunt infallibiliter probare existentiam Scripturae S. (quod nunquam poterunt, nisi iterum amplectantur Verbum DEI non Scriptum, & Ecclesie vocem audiant) tamdiu male admittunt Scripturam & imprudenter, nec ea uti possum ad reliquos articulos probandos; licet nos Catholicci eam bene admittamus, & adhibere possimus ad aliquid probandum tanquam regulam certissimam credendorum.

7. Ob. 2. Scriptura se ipsum sua luce satis prodit; si enim attente ac devote legatur, tam convinentes in ea reperiuntur cause, quod fit Verbum DEI, ut testimonium Ecclesie vel omnino non requiratur, vel faltem non nisi ultimum jure obtineat locum. Ferè testimonium Ecclesie de Scriptura se ha-

bet, sicut se habet Tabellarius, qui assert litteras Regis; qui quidem initio nobis tradit has litteras, sed postquam eas reclusas legimus, & sigillata videmus, non amplius credimus posterum, quia Tabellarius dicit, has esse litteras Regis, sed propter Manum, Sigillum, Negotiorum Principis in litteris descriptum. Sic Scriptura habet in se talia critria seu indicia sibi intrinseca, qualia sunt *sublimitas* rerum, que in Scripturis tractantur, *instructio* talis ad vitam recte instituendam, qualis non reperitur in ullo alio libro, *efficacia* tanta ad permoveudos animos, quanta in nullo alio libro deprehenditur, & *impletio* predictionum, qua in Scripturis continetur &c. ut dubitari non amplius possit, quin haec Scriptura sit Divina: ergo. R. si tanta est lux in Scriptura, qua se ipsam prodit, quare eam non omnes vident? cur hanc lucem potius in suo Alcorano vident Turcae, quam in nostra Scriptura, etiam attente & devote lecta? cum tabellario & litteris Regis non est paritas, quia Character, Sigillum, & alia hujusmodi indicia clare & longe certius dignosci possunt, & oculis evidenter cerni, suntque ex se longe aptiora ad probandum, litteras esse à Rege missas, quam Nuntij, sape mendaces: econtra in Scripturis nihil Divinitum clarè & evidenter appetat, & econtra testimonium Ecclesie, qua aliunde probatur esse infallibilis, clarè & sensibili nobis constat: ac proinde hoc testimoniu[m] recte dicitur esse primum, ultimum, efficacissimum, & ex omnibus unicè conviheus & infallibiliter

do

docens , dari Scripturam S. Adde , quid etiam littera regis non semper certò ac *infallibiliter* dignoscantur ex indicijs , etiam si attente & circumspicte legantur : de litteris autem Divinis debet haberi infallibilis certitudo etiam quod nos , quam certitudinem certè non pariant illa critici Scriptura intrasca ; cur enim ab aliquo sancto & sapienti viro , qualis v. g. fuit S. Augustinus , Thomas Kempensis , S. Francisco Xaverius &c. non possit scribi liber , in quo res aquæ sublimes , tam copiosa instrucción , tam efficax energia verborum , in d. & quoddam vaticinia de rebus futuris , quæ postmodum impleantur , ac media ad salutem contenta sint , quin tamen talis liber esset Canonicus ? Quid si aliquis dieret , Evangelia S. Bartholomæi , Thomæ , Nicodemi , quæ nec ab Adversarij agnoscuntur pro Canonicis , esse tales libros , memoratis saltem plerisque dotibus instrutos ? Accedit , quid in Scripturis , quas Adversarij agnoscunt pro Divinis , reperiantur plurima capita , & sententiae , in quibus nulla apparet vel sublimitas , vel informatio morum , vel

energia verborum , vel predi^ctiō : quare ergo habent pro Divinis ? Ob. 3. *Spiritus est , qui testificatur .*
1. Jo. 5. v. 6. hoc est , Spiritus S. testimonium est quasi viva sensatio apud eos , qui Scripturam più legunt , ut eam agnoscant : *ipse enim Spiritus reddidit testimonium Spiritui nostro . Rom. 8. v. 16. Et Spiritus docebit vos omnia , & supponeret vobis omnia .* Jo. 14. Ergo ex Spiritu interno potest satis cognosci etiam existentia Scriptura . R. hoc argumentum , quod apud multos ex Adversarij est potissimum , planè ineptissimum esse , cum quia adducit textus Scripturæ ad probandam existentiam Scripturæ , & sic supponit id , de quo queritur , tum quia ex his textibus non probatur , quid ille spiritus & dictamen internum , quo judicant dari Scripturam , sit Spiritus S. illustratio . & non potius fallax persuasio & erroneum proprij intellectus judicium , tum quia Turcæ vel alij Scripturam negantur eodem jure possunt dicere , se negare ex interno Spiritus S. testimonio . *Spiritus esse , qui sibi testificetur , Spiritum reddere Testimonium spiritui suo &c.*

§. II.

Iudem non possunt sufficienter probare Canonem S. Scripturæ.

9. **S**ciendum i. vocem *Canon* esse Græcam , & Latinè significare idem ac vocem *Regula* , item *Catalogus* . Quæ utraque significatio huc quadrat ; cum

R. P. Pichler Theol. Polémica.

enim S. Scriptura sit *Regula seu norma nostræ fidei & morum* , recte appellatur *Canon* , & totus *Catalogus* , in quem recepti sunt libri S. Scripturæ ,

M

itidem